

虎豹所履蔭交柯之密豈鵠鷃能視故逢蒙操弓彈一作

高深而止鄧公折箭含剛噤而已何患累之罕臻不干物

以利已詎若黷黷佛佛一作凌人以就戮惺惺其酒而遄死夫

時珍貂裘世寶狐白彼徒一作徒能工於隱伏終見陷於機辟

麝懷香以賈害徂代一作伐巧而招射小則翡翠殞於羽毛

大則犀象殘於陸革孰能去有用之損取無用之益因一作

固棄置於常情未逍遙以自適無威刑相臨有族類相親

一作無威刑以相臨有族類而相親食資諸物衣取諸身不賦不役靡勞靡

勤如政教之未絕保巢居之淳淳匪虞代一作氏之所及何

徂公之能馴吾固知人爲萬物之貴又焉測元化之所大

均乎凡一作皆文粹